



Conradus de Alzen in Palatinatu Mogūtinensis diocœsis natus & educatus fuit. Is foelici ingenio fretus adeo in sacris & prophanis literis progressus erat, ut non modo Theologus eruditus, uerum etiam philosophus, poeta, & Mathematicus suo tempore celeberrimus inter Germanos haberet. Scripsit is utroq; stylo præclara quædam opuscula, utpote librum de Figuris, & aliū de Redemptione generis humani, quibus eruditionem suam omnibus patefecit. Tandem huius uitæ pertæsus, coelestem gloriam intrauit sub Carolo quarto Cæsare, anno 1385. Trit.